



Smilehullet Familiebarnehage Anne Mari Arnesen  
Hilland  
5911 ALVERSUND

Referanser:  
Dykkar:  
Vår: 17/1728 - 19/9977

Saksbehandlar:  
Astrid Namtvedt Sylta  
syas@lindas.kommune.no

Dato:  
27.03.2019

## Rapport frå tilsyn i Smilehullet familiebarnehage 28.02.2019

Det er barnehagen / barnehageeigar som er målgruppa for tilsynsrapporten. Rapporten skal beskrive tema for tilsynet, formidle dei rettslege krava, kva vi har undersøkt, våre vurderingar og kva vi har konkludert med.

### Tema for tilsynet

Det er gjennomført tilsyn med Smilehullet familiebarnehage der temaet var, sitat rammeplan:

- *Barnehagen skal fremje kommunikasjon og språk.*
- *Kommunikasjon, språk og tekst.*

Tilsynsmynde har vurdert om barnehagen har ei drift som er lovleg og forsvarleg i høve til Barnehagelova og forskrift. I Rammeplan under kapittel *Barnehagen skal fremje kommunikasjon og språk, og Kommunikasjon, språk og tekst*, kjem det tydeleg fram kva barnehagen skal leggje til rette for i arbeidet med språk og kommunikasjon. Med utgangspunkt i dette har tilsynsmynde gjennomført tilsynet i Smilehullet familiebarnehage.

Før tilsynet vart gjennomført ba rådmannen om å få tilsendt fylgjande dokumentasjon:

- Barnehagen sin årsplan.
- Anna relevant dokumentasjon i høve til tema språk og kommunikasjon.
- Plan for implementering av ny rammeplan, fokus på språk og kommunikasjon.
- Kompetanseplanar.

### Formålet med tilsyn/rettslege krav

#### § 16. Tilsyn

*Kommunen fører tilsyn med virksomheter etter denne lov.*

*Kommunen kan gi pålegg om retting av uforsvarlige eller ulovlige forhold ved godkjente eller godkjeningspliktige virksomheter. Hvis fristen for å etterkomme pålegget ikke overholdes, eller hvis forholdet ikke lar seg rette, kan kommunen vedta tidsbegrenset eller varig stenging av virksomheten. Kommunens stengingsvedtak skal sendes fylkesmannen til orientering.*

*I stedet for eller i tillegg til stenging av virksomheten, kan kommunen bruke økonomiske reaksjoner overfor ikke-kommunale barnehager dersom krav etter § 14 a, eller forskrift i medhold av samme bestemmelse, ikke*



er overholdt. Vedtak om retting og stenging og vedtak om anvendelse av økonomiske reaksjonsmidler kan påklages til fylkesmannen.

Tilsynet er dei aktivitetar som kommunen utøver for å sikre seg at barnehagane vert drivne i høve til krav i Barnehagelova og forskrift. I tillegg til å kontrollere om lovverket vert følgd, er det eit tilsynsansvar å gjere faglege vurderingar og gje rettleiing. På nokre område gjev lova detaljerte føringar, medan det på andre område er ope for skjønn.

I tilsynsoppgåva ligg det at det skal førast kontroll med at barnehagane følgjer gjeldande regelverk, og at det vert gitt reaksjonar når ikkje krav vert oppfylte.

Rapporten omhandlar resultat frå tilsynet som var meldt 07.02.2019 og som var gjennomført 28.02.2019.

### **Gjennomføring av tilsynet**

Tilsynet er gjennomført ved å hente inn og vurdere dokumentasjon. Det er også gjennomført synfaring i barnehagen og intervju / samtale etter oppsett plan.

Oversikt over personar som mynde hadde samtale med under tilsynet :

<b>Namn</b>	<b>Stilling</b>
Marte Menes	Foreldrerrepresentant
Anita Lilleskaret	Assistent
Anne Mari Arnesen	Eigar / styrar

Tilsynet vart gjennomført av Astrid Namtvedt Sylta, Lindås kommune og Åshild Hope Herland, Austrheim kommune.

### **Våre vurderingar**

I tilsynsbesøket møtte tilsynsmyde representantar frå dei ulike yrkesgruppene i barnehagen. Mynde hadde også samtale med foreldrerrepresentant. Gjennom samtalan fekk mynde oversikt over korleis det vert arbeid med tema språk og kommunikasjon i barnehagen, og kva kompetanse som er i barnehagen. Mynde fekk og informasjon om korleis foreldre vurderer barnehagen.

Foreldrerrepresentanten gav eit positivt bilete av barnehagen. Ho hadde heller ikkje fått negative tilbakemeldingar frå andre foreldre. Alle barna vert godt imottekne kvar dag, sa ho. Foreldre får informasjon gjennom facebook, månadsplanar og foreldremøte, men aller viktigast er den daglege kontakten med dei tilsette.

Foreldrerrepresentanten var kjent med at barnehagen jobba med dialogisk lesing. Ho var godt nøgd med at barnehagen hadde bøker både på nynorsk og bokmål. Elles er det positivt at bokbussen kjem på besøk til barnehagen, sa ho.

Visst det var noko som kunne setjast fingeren på, så var det opningstidene. Barnehagen er open frå 07.30 - 16.00. Dette kunne vere problematisk for nokon.

Dei tilsette fortalde om eit variert språkarbeid, både i organiserte aktivitetar, men og i kvardagssituasjonar. Barnehagen har starta med *språkløyper*, og dei tilsette har vore på kurs i *dialogisk lesing*. Barnehagen har stor fokus på lesing, og det vert lese for barna kvar dag – både i lesegrupper, men og spontant. I språkgruppene vert det jobba med *Fonomagika*, *Grep om begrep* og *dialogisk lesing*. Barna kan låne bøker med heim frå lånekassen. Alle dei tilsette har fått opplæring i DUÅ. Det vart omtala som svært positivt. Kanskje neste steg vert Dinosaurskulen, som er ei vidareføring av DUÅ.

Barnehagen nyttar «landplakatar» for å synlegegjere at her er barn frå ulike kulturar. Digital dagtavle med oversikt over dagen, heng klar i barnehagen kvar morgon når barna kjem. Førskulegruppa i Smilehullet har faste samlingar med førskulegruppa i Lykkeliten. Barnehagen nyttar *Tras* og *Alle med* for å sikre at dei ser alle barna.

Dei tilsette har 2 timar plantid per veke. Det er personalmøte kvar 6.veke. Assistentane, som vert kalla pedagogiske medarbeidarar, er med på foreldresamtalane.

Smilehullet familiebarnehage har eit godt system for dokumentasjon. Barnehagen har ei lukka facebookside der foreldra får mykje informasjon om «livet» i barnehagen. Dei har også rutinar for dokumentasjon og loggskriving. Dokumentasjonen viser til krava i rammeplanen. På den måten sikrar barnehagen at dei arbeider i tråd med rammeplanen. Når barna sluttar i barnehagen får dei med sin eigen perm med bilete og anna dokumentasjon. I tillegg får dei kvar sin minnepenn med bilete.

### **Konklusjon**

Smilehullet familiebarnehage oppfyller krava i Rammeplanen i høve til arbeidet med språk, tekst og kommunikasjon.

### **Samsvar med Barnehagelova**

Tilsynsmynde har i tilsyn med Smilehullet familiebarnehage ikkje avdekka lovbrøt.

Med helsing

Kristin Moe  
kommunalsjef

Astrid Namtvedt Sylta  
rådgjevar oppvekst

*Dette dokumentet er elektronisk godkjent og har difor ingen signatur.*

### **Mottakarar:**

Smilehullet Familiebarnehage Anne Hilland  
Mari Arnesen

5911

ALVERSUND